



REPUBLIKA E SHQIPËRISË  
MINISTRIA E FINANCAVE

DREJTORIA E PËRGJITHSHME E DOGANAVE

Nr. 18755 Prot.

Tiranë më, 21 / 8 / 2014

UDHËZIM

**MBI ZBATIMIN PRAKTIK TË PROÇEDURAVE TË MIRATIMIT DHE FUNKSIONIMIT  
TË PËRFAQËSUESIT TË DREJTËPËRDREJTË PËR OPERATORËT E AKCIZËS**

Me qëllim përcaktimin e saktë të procedurave dhe të kriterëve që zbatohen lidhur me përfaqësimin e drejtëpërdrejtë të operatorëve të akcizës në doganë, pa rënë ndesh me nenin 3 të ligjit nr. 61 / 2012, dt. 24.05.2012 "Për Akcizën në Republikën e Shqipërisë", i ndryshuar dhe nenet 2 deri 10 të VKM nr. 612, dt. 05.09.2012 "Për dispozitat Zbatuese të Ligjit për Akcizat në Republikën e Shqipërisë" i ndryshuar, për përfaqësuesin fiskal;

Në zbatim të ligjit nr.61 / 2012, dt. 24.05.2012 "Për Akcizat në Republikën e Shqipërisë", i ndryshuar; VKM nr. 612, dt. 05.09.2012 "Për dispozitat Zbatuese të ligjit për Akcizat në Republikën e Shqipërisë" i ndryshuar, shkronjës (a) të pikës 3.2 të nenit 3 të VKM Nr.205, datë 13.04.1999 "Për dispozitat zbatuese të Kodit Doganor" të ndryshuar, Drejtori i Përgjithshëm i Doganave,

UDHËZON:

***I. Përkufizime të përgjithshme:***

1. Për qëllime të këtij udhëzimi do të përdoren termat e mëposhtëm:

- a) ***Përfaqësuesi i drejtëpërdrejtë*** – është një prej llojeve të përfaqësimit, përmes të cilit, i përfaqësuar mund të caktojë një person tjetër për të vepruar në emër dhe për llogari të tij në cilësinë e përfaqësuesit të drejtëpërdrejtë, me qëllim kryerjen e veprimeve dhe përmbushjen e formaliteteve të nevojshme të parashikuara nga ligji dhe VKM për akcizat në marrëdhënie me Autoritetin Doganor.
- b) ***I përfaqësuar*** – është çdo depozitues i miratuar, dërgues dhe pritës i regjistruar, në emër e për llogari të të cilit vepron përfaqësuesi i drejtëpërdrejtë.
- c) ***Përfaqësues*** – është personi që ka të drejtë për të vepruar vetëm në emër dhe për llogari të të përfaqësuarit, i autorizuar nga ky i fundit dhe i njohur nga Autoriteti Doganor.

***II. Proçedurat dhe kriteret që do të zbatohen për miratimin e përfaqësuesit të drejtëpërdrejtë të operatorëve të akcizës.***



1. Çdo person fizik ose juridik i cili është pajisur me autorizim nga Autoriteti Doganor si depozitues i miratuar, dërgues i rregjistruar apo pritës i rregjistruar mund të caktojë një përfaqësues të tij të drejtëpërdrejtë, për marrëdhëniet me Autoritetin Doganor.
2. Garancia për të mbuluar veprimet e lëvizjes apo mbajtjes së produkteve të akcizës me pezullim të detyrimeve do bëhet nga vetë i përfaqësuari sipas përcaktimeve në nenet 3, 21 dhe 22 të ligjit nr.61 / 2012, dt. 24.05.2012 "Për Akcizat në Republikën e Shqipërisë", i ndryshuar; dhe VKM nr. 612, dt. 05.09.2012 "Për dispozitat Zbatuese të ligjit për Akcizat në Republikën e Shqipërisë" i ndryshuar. Gjithashtu, edhe pagesa e akcizës do të bëhet sipas përcaktimeve në nenet 3 pika 2 shkronja b të ligjit nr. 61 / 2012 dhe neneve 15 – 16 të VKM nr. 612 / 2012.
3. Kriteret që duhet të plotësojë personi që do të veprojë si përfaqësues i drejtëpërdrejtë janë:
  - a) Të ketë zotësi juridike dhe zotësi për të vepruar si dhe të jetë person i vendosur në territorin e Republikës së Shqipërisë ;
  - b) Të zotërojë një marrëveshje kontraktuale punësimi me të përfaqësuarin;
  - c) Të zotërojë prokurë përfaqësimi, dokument i cili merr forcë ligjore vetëm nëse është nënshkruar para noterit dhe që duhet të përmbajë: emrin e të përfaqësuarit; kodin fiskal të të përfaqësuarit; detyrat dhe të drejtat e përfaqësuesit që i janë ngarkuar nga i përfaqësuari; afatin e vlefshmërisë së dokumentit; nënshkrimin e të përfaqësuarit.
4. Kriteret e përmendura më lart parashtrohen në kërkesën për miratim (njohje) të personit që do të veprojë si përfaqësues i drejtëpërdrejtë. Kësaj kërkesë i bashkëngjitet dokumentacioni i nevojshëm që vërteton plotësimin e kriterëve.
5. Kërkesa për miratimin e përfaqësuesit të drejtëpërdrejtë duhet të hartohet nga personi që kërkon të përfaqësohet (depozitues i miratuar, dërgues i rregjistruar, pritës i rregjistruar) në doganë sipas Aneksit 1, bashkëngjitur. Kjo kërkesë duhet të paraqitet në Drejtorinë e Përgjithshme të Doganave, në të cilën, përfaqësuesi nënshkruan personalisht në prezencë të punonjësit doganor të ngarkuar me shqyrtimin e kërkesës duke bërë të mundur depozitimin e firmës për njohje dhe krahasimin e saj me nënshkrimin në dokumentin e identifikimit (kartë identiteti).
6. Drejtoria e Përgjithshme e Doganave (Drejtoria Teknike në Departamentin e Akcizës) pasi shqyrton dokumentacionin, përgatit për miratim autorizimin sipas Aneksit 2 bashkëngjitur. Pas miratimit të autorizimit të përfaqësimit të drejtëpërdrejtë nga Drejtori i Përgjithshme e Doganave, Drejtoria Teknike kryen rregjistrimin në sistemin Asycuda World të të dhënave që lidhen me personin që do të veprojë si përfaqësues i drejtëpërdrejtë. Për qëllime të identifikimit, numri i autorizimit me katër (4) shifra dhe me gërmën "T" në fund do të përdoret si kod individual i përfaqësuesit fiskal, për-kryerjen në sistem të veprimeve.

### ***III. Rregulla të përgjithshme***

1. Në të gjitha rastet, përfaqësuesi i drejtëpërdrejtë, pavarësisht se vepron në emër dhe për llogari të të përfaqësuarit, duhet të:



- a) paraqesë autorizimin që i jep mundësinë të përfaqësojë në mënyrë të drejtëpërdrejtë së bashku me prokurën e përfaqësimit dhe dokumentin e identifikimit (kartë identiteti ose pasaportë).
  - b) kryejë të njëjtat procedura në deklaram si depozituesi i miratuar, dërguesi apo pritësi i regjistruar që ai përfaqëson. Ai është i detyruar të mbajë regjistrime / kontabilitet, forma dhe përmbajtja e të cilave, për çdo mall akcize, si dhe vendi ku duhen mbajtur ato, të disponueshme për administratën doganore, përcaktohen në nenet 53 deri 56 të VKM nr. 612 / 2012.
2. Në rastet kur i përfaqësuari vendos të mos përfaqësohet nga përfaqësuesi i drejtëpërdrejtë, për të cilin është lëshuar një autorizim nga Autoriteti Doganor, është i detyruar të njoftojë me shkrim Drejtorinë e Përgjithshme të Doganave (Drejtorinë Teknike pranë Departamentit të Akcizës) në mënyrë që kjo e fundit të mundësojë bllokimin në sistem të të drejtave të përfaqësuesit.

Ky udhëzim hyn në fuqi menjëherë dhe publikohet në faqen zyrtare të Drejtorisë së Përgjithshme të Doganave.

**Elisa SPIROPALI**

**DREJTOR I PËRGJITHSHËM**











REPUBLIKA E SHQIPËRISË

Ministria e Financave  
DREJTORIA E PËRGJITHSHME E DOGANAVE

Nr. Prot. Tiranë, më /2014

**AUTORIZIM Nr. \_\_\_\_\_**

Në mbështetje të ligjit nr.61 / 2012, dt. 24.05.2012 "Për Akcizat në Republikën e Shqipërisë", i ndryshuar, autorizojmë Z./Znj \_\_\_\_\_, të kryejë përfaqësimin e drejtpërdrejte për llogari të Shoqërisë " \_\_\_\_\_ " me NIPT-i/NUIS nr. \_\_\_\_\_.

Elisa SPIROPALI

\_\_\_\_\_  
DREJTOR I PËRGJITHSHËM